

金

罍

子

藝子中篇卷之二十九

明上虞陳

絳用揚甫著

會稽陶望齡周望甫閱

同邑車任遠遠之甫校

男陳昱輯

改年
古未
者

史稱太祖欲改元。謂宰相曰。今改年號。須古來未有者。宰相以乾德爲請。且言前代所無。遂用之。三年正月。平蜀。蜀宮人有入掖廷者。太祖因閱奩具。得鑑背字云。乾德四年鑄。大驚曰。安得四年所鑄乎。

出鑑以示宰相。皆不能對。乃召學士陶穀實儀問之。儀奏曰。蜀少主曾有此號。鑑必蜀中所鑄。太祖大喜。因嘆曰。作宰相須是讀書人。今按宋朝類苑。江南保大中。浚秦淮。得石誌。按其刻。有大宋乾德四年凡六字。他皆磨滅不可識。令諸儒參驗。廼輔公祐反江東時年號也。此不惟年號同。併其國號亦同矣。宇宙間變化紛綸。何事蔑有。獨以紀年之號。必求前代所無。不惑也夫。

石林燕語。記劉溫叟父名岳。岳卒。溫叟終身不聽樂。

亦何
候此

今攷史本傳。溫叟改都官郎中。克翰林學士。初岳
仕後唐。嘗居內署。至是溫叟復居斯任。時人榮之。
溫叟既受命。歸爲母壽。候立堂下。須臾聞樂聲。兩
青衣舉箱出庭。奉紫袍兼衣。母命捲簾見溫叟曰。
此卽爾父在禁中日。內庫所賜者。溫叟拜受泣下。
退開影堂列祭。以文告之。母感愴累日。不忍見溫
叟。按此雖溫叟家不廢樂。謂終身不聽樂非也。且
溫叟之內行淳至。亦何俟此耶。公孫几領太常定
雅樂。而黃氏日抄遂譏以爲其祖不聽孫廼喜言

文清
之
足破
萬世
之惑

樂尤非也

宋杜太后金滕之事。載之信史。莫有知其非者。元袁
文清公集。載其事云。趙普退居洛陽。太宗疾之後。
以此事密奏。太宗大喜。秦王廷美。吳王德昭。秦王
德芳。皆由普以死。今宋史普傳。無一語及之。李燾
作通鑑長編。亦不敢載。私家作普別傳。始言普將
死。見廷美坐於床側。與普忿爭。文清之言。足以破
萬世之惑。而人鮮有知者。故表而出之。

今按史本傳。普初年與帝相失。屏居洛陽。及入朝。

上書自陳預聞昭憲太后及太祖顧託之事。帝亟感悟。召見慰諭。不久柴與錫趙鏐等。遂告秦王陰謀。帝召普言願備樞軸。以察奸變。秦王果得罪死。及普疾篤。先是遣吏甄潛詣上清太平宮致禱神。爲降語曰。趙普宋朝忠臣。久被病。亦有冤累耳。潛還。普力疾冠帶出中廷。受神言。涕泗感咽。是夕卒。二女皆笄。普妻和氏言願爲尼。太宗再三諭之。不能奪。賜長女名志願。號知果大師。次女名志英。號知圓大師。雖不能明言與太宗締構陰謀。欲盡害

諸王萬年大統獨歸子孫之意。及其它始末曲折。然大槩可見矣。

占泉
如王
嗣宗
亦復
不少

宋吳虔裕掌金吾三十餘年。年八十八卒。蓋終于位也。初有右金吾上將軍王彥超告老。虔裕語人曰。我縱僵仆殿階下。斷不學王彥超。年七十致仕。年七十致仕。猶以爲異。至動色相戒。彼武人貪昧宜爾矣。王溥在相位。父祚以宿州防禦使家居。每公卿至。必首謁祚。置酒上壽。溥朝服趨侍左右。坐客不安席。輒引避。祚曰。此豚犬耳。勿煩諸君起。溥諷

祚求致仕。祚意朝廷未之許也。既得請。祚大罵溥曰。我筋力未衰。汝欲自固名位而幽囚我。舉大擬將擊之。親戚勸諭廼止。身爲防禦使。子作宰相。是亦不可以止乎。王嗣宗爲中丞。日嘗忿宋白郭贊邪。鬲七十不請老。屢請真宗。勅其休致。又遣親屬諷激之。及嗣宗晚歲疾甚。猶享厚祿。徘徊不去。嘗謂人曰。僕惟此一事。未能免物議。嗟夫。此一事未能免物議。它又何問。嗣宗之見人。瞭矣。惜其不能自克也。吾輩亦知忿王嗣宗。未知究竟何如。年高

須告老。名遂合退身。少時共嗤謔。晚歲多因循。三
誦白傳之詩。廼知古來如王嗣宗。亦復不少。良可
畏也。李白洲刑侍。嘗以老不去位。爲言者所劾。白
洲詠行。路人寄興曰。車騎軒軒一道塵。後人相逝
促前人。後人還有人。隨後若只如前後。亦嗔吁前
人而妨賢人路。宜不免於後人之嗔矣。後人嗔之
而不知戒之。是使後人而復嗔前人也。

宋太宗朝。有雍丘縣尉武程上疏。願減後宮嬪嬙。太
宗謂宰臣曰。武程疏遠小臣。不知宮幃中事。內庭

示臣
妄言

不罪

太宗
有愧
乃兄

終使不過三百人。皆有掌執。不可去者。卿等固合知之。時李昉奏武程妄陳狂謬。宜行黜削。太宗曰。朕曷嘗以言罪人。但念其不知耳。終不之罪。後宮止克役三百人。疏遠小臣尚言之。以疏遠小臣妄言宮闈事。天子不罪。皆盛世事。李昉何遽有斯奏哉。事載趙清獻公奏議。

宋刀衍嘗上言。刑人於市。與衆棄之。則知黃屋紫宸之中。非用刑行法之處。望今自御前不行決罰之刑。按隋盧思道亦嘗言。殿廷非責罰之所。士大夫

宋世守令以格外行

之咎罪當贖。卽符此論。自唐以來。襲舛承陋。至宋藝祖始用仁厚立國。以禮義待士大夫。故史稱其辱罵不及於公卿。鞭笞不行於殿陛。爲一代法。此太平興國時也。去藝祖亡幾。而衍有此疏。則太宗之盛德。有愧於廼兄者多矣。

張詠治尚嚴猛。嘗有小吏忤詠。詠械其頸。吏恚曰。非斬某。此枷終不脫。詠怒其悖。卽斬之。呂公弼徙知成都府。其治尚寬。人疑少威斷。管卒犯法。當杖。扞不受。曰。寧以劍死。公弼曰。杖者國法。劍汝自請。杖

而後斬之。宋世守令以格外行事。法外殺人。然上卒能容之。於以見古者馭守令之寬。不肖者或縱其惡。而豪傑之士亦往往得藉以行其志。國初定律。凡在外各衙門吏典祇候禁子有犯死罪。從各衙門長官鞫問明白。不須申稟。依律取決。然後具由申報本管上司轉達刑部奏聞知會。然罪固止於應殺。非若小吏營卒所犯。止合杖者也。今則守令之權漸奪。自笞十至杖百。厯得專決。而徒一年以上。必申請待報。往返詳駁。經旬月始得行。則

文案益繁。而徃狂之潘繫亦多矣。

瘦竹談藝云。鄭宗聞紀聞云。乖崖帥蜀時。仕蜀者不

挈家。給澣濯。紉縫二人。乖崖悅一姬。中夜心動。而

起繞室行。但云張詠小人。於是稍令自近。及將歸。

出帖子議親云。某家室女。房奩五百千。以禮遣之。

皆未嘗有犯也。趙清猷帥蜀日。有妓戴杏花。清猷

喜之。戲語曰。頭上杏花真可幸。妓應聲曰。枝頭梅

子豈無媒。趙益感悅。夜語直宿老兵曰。汝識某妓

所居乎。曰識之。曰爲我呼來。去幾二鼓。不至。復令

忠定
清猷
未竟
剛制

人速之。旋又止之。老兵自幙後出。公恠問之。兵曰。某度相公不過一箇時辰。此念息矣。雖承命。實未曾往。它日置酒。公猶却此妓。使勿進。元肖云。此說未然。某向見郭持正言。却有理。張帥蜀時。新有變。爲帥守者。不許將家之官。擇處子十人。執浣濯。紉紵之役。張始不肯用。旣而恐不便於後政。遂留之。執事二年。將歸。悉嫁之。則處子也。後趙爲帥。聞其風。悅之。然已不敢親近。置之它所。有宴卽呼之。一日偶喜。其中一人者。酒罷留之外舍。公先入宅。

曰俟來呼汝則入。女不勝喜。孔目官以下皆通名請見。求庇覆矣。公又久不出。或覘之。則周行室中。連聲自叱其名。趙某不得無禮。如是一時頃。廼呼語吏云。適間女子可支錢五百千。明日便令嫁人。毛義夫云。清獻既留此女。入而濯足。且將復出。時天大寒。熾炭。命老兵持盆水出。忽舉盆澆炭上。烟火飛揚滿室。公悟。乃遣女去。余謂此皆流俗所傳。恐不得實。忠定清獻而未免剛制。它人獨奈何哉。慶朔堂前手自栽。便移官去未曾開。年年憶得成離。

恨只託春風勾管來。此范文正公自饒州移潤后。以詩貽魏介之也。初公守饒州。乃於州園之北偏。荆一堂。顏曰慶朔。以儀古諸侯藏朔之義。而且親植花卉。欄爲二壇。旣移潤而心不能忘。是以作詩而紀之。其本事如此。而後之人觀公之堂。思公之政。及公詩之來。而爭和之。以刊於石壁者。下慮數十家。中有主人當日留真賞。魂夢還應屢到來之句。蓋屬公詩意也。見公鄱陽遺事甚明白。而曾見一書。乃言公於饒樂籍中有所屬。其去也。以詩遺

魏而乞之。此與他書所載趙清獻挈青城一妓以
逝者何異。小人不難於以筆舌污人。而亦波及二
公。所謂滓穢太清者。不甚乎。

孔殷甫野史。趙開道爲青城宰。嘗私倖一樂妓。及
官滿。挾以逝。爲縣尉所追奪。愧恨久之。又因與其
妻忿爭。感志云云。

世人評詩。好穿鑿傳會。不信心而信耳。甚可怪也。宋
寇萊公令巴東時。詩野水無人渡。孤舟盡日橫。此
分明用韋應物詩。野渡無人舟自橫一句。乃演七

字爲十字耳。而評者云。已是安排宰相事業。然則
常詩曷云耶。程明道郊行卽事云。莫辭酒盞十分
醉。只恐風花一片飛。此融合老杜曲江詩。一片花
飛減却春。風飄萬點正愁人。且看欲盡花經眼。莫
厭傷多酒入唇。蓋約四句爲兩句。而評者云。有浴
沂風雪之趣。然茂以謂杜詩者。因其人傳會一至
是耶。

天旱。太宗駕過館。詢所以致旱之由。衆皆不對。寇準
獨言天旱。刑罰偏頗所致。太宗怒不答。已復召問。

準請面召兩府。及至。因極言叅政王汙。底第淮盜所主財。至千萬。得不死。太宗顧問。汙汙頓首伏罪。汚罷。準遂大用。宋史以準傳書之。蓋著準之剛直敢言。太宗善用言也。至宋白傳亦載此事。廼言準方詆訐求進。故汙被出。汙旣以面伏罪。準言不虛。準職非諫官。御史因問而對。據寫忠憤。頗亦近徵。明主咨嗟直言。躡至大用。然豈準之本謀耶。此語或出宋氏家狀。史因而不改。然準太平興國五年。蘇易簡下進士。是歲宋白以禮部侍郎知貢舉。世

所謂主司也。汚妻白女第。準復言曰：「家用黃金器，蓋舉人所賂，其實白。」嘗奉詔撰錢惟濟碑，得塗金器。非黃金器，因汚及白。以門生攻主司，又非其實。準不爲無過矣。楊徽之者，清介純篤士也，尚名教，疾非道干進者。嘗言曰：「溫仲舒寇準用搏擊取貴位，使後輩務趨競，禮俗浸薄。」史稱爲名言云。然則準不幸以訟受服，受爵不讓，蓋自有以致之。老成名言，森然法度，殊可畏也。

寇萊公年十九舉進士。時太宗取人多問其年。年少

世多厚誣
公終末

金鑿子中篇

卷之二十九

十

者往往罷遣。或教公增年者。公曰。吾初進取。可欺君乎。按萊公立朝事君。平生大業。發軔此言。觀此則世所傳公異日欲變鬚髮。趣取宰相。服地黃蘆。服丸者妄矣。自警言編冠。萊公初爲樞密直學士。賞賜金帛甚厚。乳母泣曰。太夫人不幸時。家貧求一縑作衾裯。不可得。豈知今日富貴哉。公聞之慟哭。盡散金帛。終身不畜財產。後雖出入將相。所得俸祿。惟務施與。公外奢內儉。無聲色之娛。寢處一青幘。二十餘年。時時有破壞。輒命補葺。處士魏野贈

詩有無地起樓臺之頌。觀此則世所傳鄧州花燭。燭名著天下。相傳云是寇公燭法。公嘗知鄧州。公自少年富貴。不點油燈。尤好夜燕劇飲。雖寢室亦燃燭達旦。每罷官去後。人至官舍。見廁溷間。燭淚在地。往往成堆者。此或亦公麤豪少檢一事之失。恐非所以槩其平生也。晁氏曰。或云公在位時。與張齊賢相傾。朱能爲天書降。乾祐準知而不言。曾子固明其不然。曰。審如是。丁謂拂鬚足以悅之矣。司馬溫公訓儉文。亦言其奢侈。公歿後。子孫丐於

唐肅
與丁
晉公
為益
友

海上。然以史考之。萊公蓋無子也。由此觀之。則世
之厚誣萊公多矣。

唐肅侍制。與丁晉公同舉進士。為益友。後居水櫃街
宅相對。及丁將有弼諧之命。唐遷居州北。避之。或
問其故。曰。謂之入。即大拜。數與往還。事涉倚附。經
旬不見。情必猜疑。故避之耳。後晉公南遷。唐曰。丁
之材術。李贊皇之流。動多而靜少。任智而鮮仁。可
以佐三事。不可以冢百官。宜其及也。見李昉該聞
錄。肅識慮過冠。萊公諸人遠矣。宋史傳止載其與

孫何丁謂言商海。廼不載此事。

金壘子中篇卷之二十九終

金華子中篇卷之三十

明上虞陳絳用楊南著

會稽陶望齡周望甫閱

同邑車任遠遠之甫校

男陳昱輯

脫脫宋史傳梁顥雍熙二年進士甲科歷端拱淳化
至道咸平至景德元年凡二十二年而權知開封
府夏六月暴病卒年九十二則顥登第年七十一
也。遼齋閒覽載顥登第謝上表云皓首窮經少伏

生之八歲青雲得路。多太公之二年。則訛爲八十。
二。又云任終秘書監卒。年九十餘。而容齋四筆則
又謂以國史攷之。梁公雍熙二年甲科及第。景德
元年以翰林學士知開封府。暴病卒。年四十二。黃
氏曰抄亦然。則遡其登第之年。才二十二耳。備列
史臣論贊。謂方當委遇。中途天謝。又云梁之秀穎。
中道而摧。兩人皆及見當代國史。不誣而李秀巖
心傳朝野雜記亦載宋一代狀元年三十以下者
二十八人。曰梁內翰顥年二十二。正與洪黃兩人

所記同。皆宋人記宋事。無可疑者。近世程顥墓詩。乃有四十登科五十二之句。并叙其年四十四登第。官至秘書監。年五十餘卒。名載宋史。則不知學士所見。是何宋史也。禮九十曰耄。京府務殷於百司。顥以望期倦勤之年。恬然居之。至於漸盡。蓋謝而猶曰。暴病卒。脫脫史亡足據。著甚。况裨官野史乎。

宋史稱進士自鄉舉至廷試皆第一者纔三人。王曾宋庠馮京。予按宋世科舉。初以秋取解。春集禮部。

考試合格者。列名放榜於尚書省。其後以李昉知貢舉。繆取武濟川等。太祖別加殿試。始與省試名次。互有升降。是爲三試。終宋不改。其由鄉貢試禮部廷對皆第一者。廼惟王曾一人。宋庠初以名郊試開封第一。禮部試第三。郊第一。故事。天子諒闇則罷殿試。就用禮部第一人爲榜首。時真宗崩。章獻太后臨朝。遂不復殿試。而以弟不可先兄。詔易郊第一。寘初第十。馮京鄉貢禮部皆第一。廷試第二。仁和沈遘第一。時遘已由父蔭爲齊郎。大

臣謂有官不宜先諸生。廼退講而擢京第一。則庠
京三元亦數偶然耳。此外有孫僅自開封禮部皆
第一。真宗初立不復廷試。就爲第一。鄭毅東解取
解省試殿試皆第一。謂之三元。楊寘慶歷二年舉
進士京師試國子監禮部皆第一。旣試崇政殿。天
子臨軒。啟封見寘名。對輔臣喜動於色。遂擢第一。
初授官。持母喪病羸卒。先是其友寘作龍首山
人。寘謂龍首我四冠多士山人。無祿位之稱。我其
終是乎。已而果然。則寘且四試皆第一。張綱政和

中以三舍釋褐徽宗御崇政殿賜之及第顧知舉
吏書張克公等言祖宗有三元及綱四元克公對
曰綱自本州升貢次公試次內殿合格次升補上
舍皆第一人所以京師有五元之目則綱且五試
皆第一惟真天各位不升耳孫漢公鄭獬官止侍
從綱雖爲宋名臣迄不至相曾庠皆位宰相馮京
執政史是以錄謂宋世三元止是三人者不攷也
僅事見朝野雜記文獻通考獬見石林避暑錄
見史本傳綱見坦齋筆衡

按李心傳朝野雜記謂

宋世狀元年三十以下二十八人內沈內翰邁年
二十又記祖孫狀元者一家沈邁邁孫嘏邁雖由
第一抑置第二當時不謂之非狀元也文獻通考
天聖二年進士二百人而省元吳咸狀元宋郊山
堂考索亦稱天聖乙巳御崇政殿賜宋郊葉清臣
鄭戩等一百五十四人及第四十六人同出身初
郊與其弟祁居太學已著名至是禮部奏郊名第
三太后不欲弟先兄迺推郊第一而置祁第十禮
部初奏名祁第三豈第一人果吳咸耶考索據宋

朝會要宜不妄也

宋世祖孫

父子

兄弟

狀元

六家

張忠

定詠

當謂

吾榜

中得

人甚

雜記記宋世父子狀元三家。張去華去華子師德安

德裕德裕子守亮梁顥顥子固祖孫狀元一家沈

遘遘孫晦兄弟狀元二家陳堯佐堯叟孫僅孫何

皆本朝所未有

古今詩話云孫給事僅僅孫暨則

僅暨亦祖孫狀元

宋太平興國五年放蘇易簡等進士一百二十有一

人是年張忠定詠名在甲科而公嘗謂吾榜中得

人甚多謹厚有雅望無如李文靖深沉有德量鎮

服天下。無如王公面折廷諍。素有風采。無如寇公。當方面之寄。則詠不敢辭。既盛自誇。其榜中得人。又自以身爲榜中。得人數。其質直不自嫵如此。且其品隱。皆確論也。當時榜中若蘇公。易簡。向文簡。敏中。馬忠肅。亮。宋忠定。湜。晁文元。昶。皆卓然一代名臣。若謝泌之端直。王礪之孝謹。又雜出于他傳。皆復不與。則其榜得人之多。益又可徵矣。易簡下第二人。爲李若拙。而史載其誕妄。少學術。當時以第二人及第。爲榜眼。若拙素無文。故目爲瞎眼。又

本朝分三卷取士昉此

以微得人果不在高科也

王氏揮塵錄太宗朝天下混一每歲放榜所得率江南之秀其後又別立分數考校五路舉子以北人拙於詞令故優取及南渡後北路陷沒於金齊入選士惟江浙閩蜀於是吳潛又建議請分路取士以收淮襄之人物亦祖宗遺意也按本朝分南北中三卷取士議實昉此

宋張師德兩及相門爲王旦所惜後世稱躁競者堅然歸之矣近攷史傳稱師德孝謹有家法不交權

張師德王旦所

張師
德不
易王

貴時相頗不悅之。然亦多病。在西掖九年不遷。於官所謂時相。豈旦耶。則是師德方以簡伉得罪。異乎前聞矣。

澠水燕談又稱王沂公當國求抑奔競。師德久次館閣。魯簡肅公盛稱張才德。沂公以未識爲解。魯諷張見沂公。張辭不往。魯屢諷之。張重違魯意。始緣職事一往。沂公謝不見。張大悔恨。他日中書復議知制誥。魯曰。無以易張矣。沂公曰。張公器識德。行足以當此。但尚有請謁耳。逾年方命掌誥。謂魏

宋制
臺諫
官不
得往
宰相
見

公爲沂公。向文簡爲魯簡。肅蓋誤。然觀此。則是張
果以一不見王公。爲王公所望。官久次不進。及文
簡屢以王意諷張。張始不得已。緣職事一往。王遂
拒不見。而以此實其口。官竟不遷。王隳人之節。足
謂險譎。而張亦守道不終。爲人所陷。是誠可惜也。
宋制臺諫官不得往來。不許私相見。蓋冀聞異同之
言。以廓公正之路。塞黨蔽之源。其意甚善。故當其
時。御史趙抃論劾宰相陳執中。而范鎮知諫院。乃
力與之爭。抃遂繫獄。鎮至以爲可斬。諫議大夫馮繼

請祖述王安石已詔榜朝堂爲侍御史李光所駁
右正言翟鶻繼復擊之鶻又瀕同官不止如莊簡
徒以彼此事守相聯而已吁咈之風寒諤之誼此
乎見矣本朝御史臺如舊而官不以諫名廼默
移其職於給事中謂之六科十三道嘉靖初宰相
嘗建言許兩項官互相糾劾今不復然矣

石林燕語記宋世宰相執政未有兼東宮職事者天
禧末仁宗初立爲皇太子因命宰相丁謂馮拯兼
少師傳樞密使曹利用兼少保而任中正王曾以

參知政事錢惟演以樞副皆兼賓客前此所無也
謂等因請師傳十日一赴資善賓客以下隻日五
陪侍講從之蓋居其官則思任其事稱其職丁謂
馮拯知之而况餘人乎元世祖二年以姚樞爲太
子太師樞曰皇太子未立安可先有太師以所受
制還中書其不欲虛受人官職猶謂等意也而直
氣勁節繫情元良計培國本誼凜然矣今自莊敬
薨逝東宮虛位且二十餘年師傳保以東宮列衛
殆徧於閣部院然未聞一人有以爲言者

張齊賢
取一
妻

程子謂本朝向敏中號有度量。至作相。却與張齊賢
爭娶一妻。爲其有十萬囊橐故也。按宋史故相薛
居正子惟吉死。孫安上不肖。其居第有詔毋得貿
易。敏中違詔質之。會惟吉婦柴無子。盡蓄其貨產
及書籍。將改適齊賢。安上訴其事。柴遂言敏中嘗
求娶已不許。以是陰庇安上。真宗問敏中。敏中言
近喪妻。不復議婚。未嘗求婚於柴。真宗因不復問。
而柴伐鼓訟益急。遂下御史臺按問。乃齊賢子太
子中舍宗誨教柴氏爲詞。齊賢坐責太常卿分司。

西京而并得敏中質宅之狀。益鐵使王嗣宗素忌敏中。因對言敏中議娶王承衍女弟。密約已定而未納采。真宗詢于王氏得其情。以敏中前言爲妄。罷知永興軍學士。宋白嘗就敏中假白金十錠。敏中靳不與。於是白草敏中制。極力詆之。敏中讀制泣下。據此敏中蓋實未嘗求婚柴氏。柴氏王齊賢誣之。齊賢亡責矣。以彼故相身死未幾。子喪孫不肖。一失行婦人憑執據貲。將盡蕩厥有。輸之他族。幸此時備位宰相。不一扶顛拯弱。遏淫。稍爲經紀。

其家事。乃乘時射利。至違詔勿卹。獨勿念身亦異
時故宰相。皆有子孫。亦可醜矣。且一宰相死。併漁
其貨色。至閔兩宰相於朝。使人主有盡不信宰相
心。得喪孰多也。齊賢亦當世名相。曲歸張氏。程子
度而不言。豈責備之意有在。敏中至此一念弗謹。
遂使平生睚眦之怨。得以奮筆行詞。詩曰。啜其泣
矣。何嗟及矣。其是之謂乎。

王欽若本傳。欽若改太常丞。判三司理欠。憑由司時。
毋賓古爲度支判官。嘗曰。天下逋負。自五代迄今。

上欽
若振
若振
應

理督未已。民病不勝矣。僕將啓蠲之。欽若一夕命
吏勾校成數。翌日上之。真宗大驚曰。先帝顧不知
耶。欽若徐曰。先帝固知之。殆留於陛下收人心耳。
卽日放逋負一千餘萬。係囚三千餘人。帝益器重
重欽若。召試學士院。拜右正言。知制誥。爲翰林學
士。西川按撫使。還授左諫議大夫。叅知政事。給事
中。會河陰民常德方訟臨津縣尉任懿賂欽若得
中第。事下御史臺劾治。初。欽若咸平中嘗知貢舉。
懿舉諸科。寓僧仁雅舍。仁雅識僧惠奏者。與懿有

厚。懿與惠秦約以銀三百五十兩賂欽若書其數於紙令惠秦將去。欽若已入院遂納所書于欽若妻李氏。李氏令奴祁睿書懿名於臂。并以所約銀告欽若。懿再入試第五場。睿復持湯飲至貢院。欽若密令奴索取銀。懿未卽與而登科去。仁雅持書河陰始歸之。德方得其書以告御史中丞趙昌言。昌言以聞。卽捕祁睿等亦請逮欽若屬吏祁睿本毫小吏。雖從欽若久而名猶隸亳州。欽若廼言向無祁睿惠秦亦不及門。帝方顧欽若厚。命邢昺問

承翰等於太常寺別鞠之。懿更云：妻兄張駕識知舉官洪湛，嘗俱造湛門。始但以銀屬二僧，不知達主司爲誰。尉等遂誣湛受懿銀。湛適使陝西還而獄已具，收駕且死。睿又遁去。欽若因得固執。祁睿休役後，始傭于家。它奴使多新募，不識惠秦故，皆無証驗。湛坐削籍流儋州。而欽若遂免。方湛代王旦入知貢舉，懿已試第三場。及官收湛贓，家無有也。廼以湛假梁顥白金器，翰官湛遂死貶所。人知其寃而欽若恃執，人莫敢言者。昔孔子曰：善則稱

人過則稱己。則民不爭。善則稱人。過則稱己。則怨
盜亡。善則稱人。過則稱己。則民讓善。善則稱人。善
在我也。過則稱己。過在人也。過在人而引之以自
歸。善在我而稱之於人。如此讓善。故能不爭而怨
亡。若欽若不然。善端發自它人。攘以爲出己。惡業
本由己造。推以歸諸人。其攘善也。非知慕爲善也。
攘富貴也。其推惡也。非知不善不當爲。直推罪累
耳。此市井小人之尤。何足訾焉。

富弼傳。弼使契丹。契丹欲增幣。且曰。遺我之辭。當曰。

獻否則曰納。弼力爭之。契丹復使劉六符來。朝廷
竟以納字與之。按中國以歲幣事戎。辭又云納。辱
矣。然事止如此。遼史劉六符傳。廼云六符與耶律
仁先使宋。定進貢名。宋難之。六符曰。本朝兵強將
勇。海內共知。人人願從事於宋。若恣其俘獲。以飽
所欲。與進貢字孰多。况大兵駐燕。萬一南進。何以
禦之。顧小節。忘大患。悔將何及。廼從之。歲幣稱貢。
狄乃好爲嫚詞。以自誇其國。然何以稱信。史載近
莆田柯維騏。宋史新編。遼國劉六符傳。乃不能刊。

正斯繆。一仍遼史舊文。爲可恨云。

狄青破邕州。斂賊積屍以爲京觀。屍有衣金龍衣。又得金龍帽於其旁。衆言儼知高死矣。當亟奏。青曰。安知其非。寧失知高。敢欺朝廷耶。其後知高果不死也。晉王濬伐吳。吳都督孫歆遣軍出拒。大敗。濬表上已得孫歆頭。初杜預遣周旨伍巢等率奇兵襲歆於樂鄉。伏兵樂鄉城外。歆軍之敗還也。旨等發伏兵隨歆軍而入。歆不覺。直至帳下虜歆。至是預生送歆洛中。以爲大笑。蜀劇賊李順陷劍南兩

川。關右震動。後王師破賊。梟李順書功行賞。了無
間言。至景祐中。有人告李順尚在廣州。巡檢使陳
文璉捕得之。乃真李順也。年已七十餘。推驗明白。
囚赴闕。覆案皆實。朝廷以平蜀將士功賞已行。不
欲暴其事。但斬順賞文璉。然則青寧失知。高不敢
欺朝廷。亦知有孫歆李順事耳。

學士睢陽滕甫撰孫威敏征南錄一卷。言平南之功。
皆本孫沔。狄青之至。莫能出其右者。余靖與美於
青非實也。甫時通判潮州云。今按史威敏徵南。功

無孫一事。其可信哉。抑或亦滕阿私所好與。

慶裕筆談記尹師魯自龍圖謫官。後移鄧州。是時范文正公守南陽。少日。師魯忽手書與文正。別仍囑以後事。文正極訝之。時方饌客。掌書記朱炎在坐。炎老人好佛學。文正以師魯書示炎。曰。師魯以遷謫失意。遂至垂理。殊可怪也。宜往見之。爲致意。開喻之。無使成疾。炎卽詣見。而師魯已沐浴衣冠而坐。見炎來。道文正意。乃笑曰。何希文猶以生人見待。洙死矣。與炎談論頃時。遂隱几而卒。炎急使人

馳報文正至哭之甚哀。師魯忽舉頭曰。早已與公別。安用復來。文正驚問所以。師魯笑曰。死生常理也。希文豈不達此。又問其後事。尹曰。此在公耳。乃揖希文復逝。俄頃又舉頭顧希文曰。亦無鬼神。亦無恐怖。言訖遂長往。存中以此嘆師魯之所養。今按文正公集。公所與韓魏公書。爲師魯乞墓表。記師魯卒時。曲折頗不類。書云。師魯去赴均州。時已覺疾作。僅百餘日。得提刑司文字。昇疾來。餐以存沒。見托至五日而啓手足。初相見時。却且老矣。公不

後事。疾勢漸危。遂中夜詣驛看。他告伊云。足下
平生節行。用心待與韓公。歐陽公。各做文字。垂于
不朽。他舉首叩頭。又告伊云。待與諸公分俸贍家。
不令失所。他又舉手云。渭州有二兒子。卽就枕。更
不他語。來日與趙學士看他。云。夜來示論。並記得
已相別矣。顧家人則云。自了當。不復管汝。略無憂
戚。官員又問以家事。荅云。參以人事。則不樂也。終
更無言。又兩日。猶能扶行。忽索灌漱。訖。憑案而化。
衆人無不悲泣。無不欽服其明也。莊老釋氏齊死。

生之說師魯盡得之。奇異奇異。又細註云。別趙學士云。不但化。別韓侂云。少年樹德。別賈狀元云。亦無鬼神。亦無煩惱。如此而已。及爲師魯作河南集序。亦畧及之。都無死而復甦笑談等事。及韓魏公作墓表。亦曰。疾革對賓客妻子。無一感言。整冠帶盥濯。怡然隱几而卒。亦未有他事也。且師魯被董士廉之誣。自知潞州。貶崇信軍節副。徙監均州酒稅。得疾乃沿牒而至南陽。故文正書謂得提刑司文字。昇疾來鄧。豈移官鄧州哉。傳言失指。區區失

形存中輕信傳聞而好語恠故不覺其言之異也
烈行怪多僞嘗爲蔡君謨所知與歐陽文忠公共
薦于朝及蔡君謨母死烈往吊其家匍匐而進人
問之曰此詩所謂凡民有喪匍匐救之者也其所
爲類如此後爲其妻訟不睦事爲監司所按詔置
獄劾治司馬溫公爲諫官上䟽救之曰烈旣嘗爲
近臣所推必無甚過若遽摧辱恐沮傷山林處士
之氣然亦竟坐罪見石林燕語而元人號輟然子
拊掌錄亦載此事謂烈爲巾幘轉與二十餘生望

門以手据地膝行號慟而入孝堂婦女望之皆走
君謨匿笑受吊時李遣畫匊匊圖予按尹和靖嘗
謂伊川之學本於至誠䟽通簡易不爲矯異或云
匊匊以吊喪誦佛經以追薦皆無此事則知當時
輕薄者流白眼禮法之士造爲不根卽此戲笑已
偏歷詆誣非特烈矣至與妻訟則朱子嘗言陳好
古行禮其妻厭之而求去蓋遭值不幸孔門出妻
何足深訾固無虧於儒行之大也

韓魏公爲歐陽公墓誌詔稱自漢司馬遷沒幾千年

而唐韓愈出愈之後又數百年而公始繼之氣談
相薄莫適高下。蘇文忠序六一居士集則云自漢
以來五百有餘年而後得韓愈學者以配孟子蓋
庶幾焉愈之後三百有餘年而後得歐陽公其學
推尊韓愈孟子以達于孔子二公推崇歐公以公
配韓愈則同而一止溯其源于子長一乃極其統
于孔子蓋蘇以文人相襲其致宜然而忠獻論確
矣

歐陽文忠公內制集自序謂今學士所作文書多矣

內制
惟序

至於青詞齋文必用老子浮屠之說祈禳秘祝往
往近於家人里巷之事果可謂之文章者與吁感
慨深矣然公今集中猶載道場齋文道場功德疏
右語道場青詞道場密詞種種諸不一而足豈公
不能不爲之又不欲爲而發嘆於斯耶抑公獨能
以周公孔子之道易老子浮屠之說其祈禳秘祝
一本於道德性命者耶

劉敞原父舉慶曆進士廷試第一編排官王聖俞其
內兄也以親嫌自別廼以爲第二二二處名耳然

廷試天子臨軒。人臣何嫌可遠耶。蔡京與蔡襄同
部。晚出欲附名閣。自謂族弟政和初。襄孫佃廷試。
唱名居首。京侍殿上。以族孫引嫌降爲第二。佃終
身恨之。蓋事可笑有如此。

宋李俶與宋郊同官翰林。懼其軋已。因潛奏郊姓符
國號。名應郊。天又曰郊。交也。宋郊爲不祥。仁宗雖
不惡郊。迄令郊改名。是爲其說尚行也。孫沔知杭
州。州有富人許明。父禱于水仙大王廟而生。故幼
名大王兒。其所以其所蓄名盡不予。因按以爲僭王

字
郊
姓
符
國
號
名
應
郊
天
又
曰
郊
交
也
宋
郊
爲
不
祥
仁
宗
雖
不
惡
郊
迄
令
郊
改
名
是
爲
其
說
尚
行
也
孫
沔
知
杭
州
州
有
富
人
許
明
父
禱
于
水
仙
大
王
廟
而
生
故
幼
名
大
王
兒
其
所
蓄
名
盡
不
予
因
按
以
爲
僭
王

配之。如沔所爲欲加之罪者。然亦見當時多諱矣。
戰國時趙廼有苦成帝。魏曹問字元首。乃宗室子。
南史民間子。乃有名皇太子者。聞於朝。初未嘗罪
也。徽宗政和八年。有戶部幹當公事李寬奏請禁
中外以聖爲名字者。給事中趙野又請禁天子併
君王字。悉革正之。又有浮梁丞陸元佐上書言。選
人徐大明陳不顯。謹按大明文王之德。不顯文王
之謨。皆取王者之實以爲名。請悉令改正之。夫天
道也。聖德也。文王聖也。豈天子所顯。而后穆若。

雖天子亦以自命其臣下矣。且漢武帝世有光祿大夫吾丘壽王。昭帝世有太史令張壽王。哀帝世有大鴻臚馮野王。有北海相平丘秦。周字平王。北史段孝言傳。客有宋孝王楊惜傳。小字秦王。彼皆腹心大臣。或肺腑至戚。乃至以人臣所不可當之號。朝夕人主之前。而倏然上下相安。不以爲異也。世之質實鮮忌諱如此矣。徽宗禁天下稱聖。稱天。稱君王。欲歛以自爲尊。而昏德公之封。則所謂聖與天與君王安在。是亦不可以鑒乎。

金學子中篇卷之三十一

明上虞陳絳用揚甫著

會稽陶望齡周望甫閱

同邑車任遠遠之甫校

男陳昱輯

明倫
其他
皆然
夫然

異端假吾儒而重久矣佛者曰孔子吾師之弟子也
謂濂溪之學出於壽巖禪師者此類耶然濂溪他
日歸老九江嘗於歸宗寺結青林社以與真淨文
禪師者游若以踵夫白蓮之故者而又名寺左之

王荆公心慕周

溪曰鸞溪擬虎溪其事爲佛者所盛傳皆謠耶抑
道大德宏無不可耶攷先生嘗題太顛堂詩有曰
退之自謂如夫子原道深排老佛非不識太顛何
似者數書玆重更留不觀其絕退之之嚴例其他
皆誣決然也

鶴林玉露謂王荆公初年氣高不可一世士而心獨
慕周茂叔嘗三及門往候之而辭焉荆公喟然曰
吾不可求之六經耶蓋自此不復請矣予謂以彼
荆公之材值其未壞其刻意向道未有可遷紀之

遷後
人豈
易然

理而茂叔儒者其胸次寬厚亦不宜遽有深絕之
人以夷之墨者再而孟子見之三而不見荆公豈
非茂叔之過哉及考邢恕叙明道先生事乃云茂
叔聞道甚早王荆公爲江東提點刑獄時已號爲
通儒茂叔遇之與語連日夜荆公退而精思至忘
寢食始徵荆公於茂叔深矣羅所傳譌也

王荆公急行新法一時賢人君子舊臣宿老皆出力
與之爭而公亦仇之力獨呂惠卿以爲不可不行
故公首薦之元祐初司馬溫公入相急改新法而

顧役一事一時賢人君子如蘇文忠范忠宣皆以爲可毋變公不爲動蔡京知開封府獨依公五日之限盡改畿縣顧役之法公以是大悅之二公皆君子平生不悅聲色不愛官爵同而柔曼之情脂膏之態二公者乃皆浸淫入之而不自覺未幾而卒皆爲所賣昔堯之治而曰難壬人孔子告顏淵爲邦而必曰遠佞人吁豈易然哉

人各有蔽雖大儒君子不免夫馮道之不終而亡耻三尺豎子能言之而王荊公有取焉司馬溫公深

鄧馮道而阿好楊雄獨不知二公當楊雄馮道時
亦肯爲楊雄馮道否此其所蔽也

王介甫有明妃曲二首溫公和焉今具二家集中云
漢恩自淺胡自深。人生樂在相知心。云家人萬里
傳消息好在蘊城莫相憶君不見咫尺長門閉阿
嬌人生失意無南北此荆公之詞也云宮門銅環
雙獸面回首何時復來見自嗟不若住巫山布袖
蒿簪嫁鄉縣云妾身生死知不歸妾意終期悟人
主目前美醜良易知咫尺掖庭猶可欺君不見白

頭蕭太傳被讒仰藥更無疑此溫公之辭也書曰
詩言志觀於此二詞二公之志何如哉

安石
乃以
孔子
讓其

王安石子雱常稱商鞅爲豪傑之士言不誅異議者
法不行安石亦有詩云今人未可非商鞅商鞅能
令法必行父子間議論如此雱卒安石哭之詩云
斯文信有寄天豈偶生才一日鳳鳥去千年梁木
摧介甫氣壓天下謂司馬歐陽公輩何有著新經
著字說倏然欲做大賢上事乃安以孔子讓其見
可笑也

人姓
富風

馬京
父商
考

蘇東坡集中咏王莽董卓據紀年不詳其何時作大
抵王荆公罷相歸金陵呂吉甫發其母使齊年知
母使上知書時也故前一章言莽不識經綸紛紛
妄作以譏介甫後一章以呂布比吉甫言其反覆
皆取兩人同姓寓風刺也

鶴林玉露載馬京父商也壯年無子將如京師其妻
授以白金數笏爲買妾資及至京師買一妾立券
償錢矣問妾所自來涕泣不肯言固問之廼言其
父有官因綱運欠折鬻妾倍償遂惻然不忍犯遣

還其父。不索其錢。及歸。妻問買妾安在。具告以故。妻曰。君用心如此。何患無子。居數月。妻有娠。將誕。里中人皆慶。鼓吹喧闐。迎狀元。京乃生。按世傳。京父名商。據此。乃商。非名商也。而近時楊升菴謂氏族言行錄載京父名式。任其官。京生而俊邁不群。式一日取其所誦書。題其後曰。將作監丞通判荆南軍府事馮京。式既退官十一年。京舉進士第一。爲將作監通判荆南。如式之言。時人謂式爲知子。氏族錄宋人所編。當得其實。則京父不但名商。

亦不爲商也。當亦非必有還妾之事。皇朝類苑黃氏日抄。古今紀要略同。而宋史新編又載京嘗過外兄朱适出侍妾。詢知爲同年妻。亟請而嫁之。則京寔嘗從更外兄爲同年妻。請嫁其妾。寔盛德事。然不在京父矣。

劉韶慶元人。韶之父爲郡小吏。給事通判廳。勤謹無失。歲滿當代不聽去。後通判至。復用之。因致豐饒。夫妻俱近五十無子。其妻資遣之。往臨安置妾。旣得妾。察之有憂色。且以麻束髮。外以綵飾之。問之。

泣曰。妾故趙知府女也。家四川。父歿家貧。故鬻妾以爲歸葬計耳。卽送還之。其母泣曰。計女聘財猶未足以給歸費。且用破矣。將何以酬。徐曰。賤吏不敢辱娘子。聘財盡以相奉。且聞其家尚不給。盡以囊中貲與之。遂獨歸。妻迎問之曰。妾安在。告以其故。且曰。吾思之。無子命也。我與子周旋久。若有子。汝豈不育。妻亦喜曰。君設心如此。行當有子矣。明年遂生。韶見宋史與鶴林玉露記。馮京父正類。而馮事幻。予蓋辨之矣。宋惟溫國荊國兩公嘗還妾。

然皆儒者且相亦何有。而袁父簪筆小吏可不謂難已哉。惜史尚不能舉其名也。然既有子亦託以傳矣。此女之父官二千石歿而不能返其喪與其家若無他者可不謂清貧乎。而官不能恤一小吏恤之何也。

沈存中筆談朝士劉廷式本田家。隣翁有一女子。約與廷式爲婚。後契濶數年。廷式讀書登科歸鄉間。而隣翁已死。女因病雙瞽。家極困餓。廷式使人申前好。而女子之家辭以瞽。仍以傭耕之家不敢姻。

士夫廷式堅不可卒與成婚閨門極雍睦其妻相携而後能行凡生數子廷式嘗坐小譴監司欲逐之嘉其有美行故爲濶略其後廷式管勾江西太平宮而妻死哭之極哀蘇子瞻愛其義爲文以美之陳無已叢談華陰呂君舉進士聘里中女而行既中第女家言曰吾女故無疾既聘而目盲敢辭呂君曰既聘而目盲君不爲欺又何辭遂娶之生五男皆中進士第其一人則丞相汲公也又程氏外書周恭叔自太學早年登科幼議母黨之女登

科後其女雙瞽遂娶焉。愛過常人。伊川曰。願未三十時亦做不得此事。按二人皆娶瞽女於登第之後。今人知恭叔事耳。然尹和靖嘗謂伊川。謫涪後數年。周以酒席有所屬意。旣而密告人曰。勿令尹彥明知。又曰。知又何妨。此不害義理。後伊川歸洛。和靖以是告之。伊川曰。此禽獸不若也。豈得不害義理。又曰。以父母遺體偶娼。可乎。事傳於和靖。必不誣如此。則隱微之行。周蓋媿二人矣。

劉元城先生初除諫官。以母老辭。毋勉使爲之。廼供

三公不欲
虛受人官
職

金聖子中篇

卷之三十一

七

職。鄒公浩除諫官。恐遺親憂。欲固辭。母曰。兒能報國。吾何憂。遂就職。唐璘寧宗時。拜監察御史臺吏。且至。璘皇恐避不敢詣闕。母曰。人言此官好。汝何得憂乎。璘曰。此官須爲朝廷爭是非。一拂上意。或忤權貴。恐重爲大人累。何得不憂。母曰。汝第盡言。吾有而兄在。璘拜謝入就職。諫官銜史職雄地峻。人以爲顯身榮親耳。三公顧覆爲其親憂。三公不欲虛受人官職矣。後元城供職未幾。卽論胡宗憲至二十四章。論章惇十九章。惇必欲殺之。春循梅。

新葛竇雷化八州歷其七。鄒公諫廢皇后孟氏得
編管璘既就職首論韓侂冑奏行簡

杜莘老嘗嘆曰臺諫當論天下第一事若有所畏故
言其次是欺其心不敬其君者也論天下第二事
已謂自欺其心賊其君矣異時若上疏乞禁銷金
鋪翠鹿胎冠子凌雲巾方舄禁嚮糖獅子乞省士
大夫宴會。遂南戲子乞省士大夫相見揖拜之禮
乞添額取進士。若是者不知天下事第幾等耶。朱
子曰。今世人材若所謂剛大之氣者且先一筆勾

司馬公無後

斷秤停到第四五等氣宇厭厭布列臺諫如何得成事故某向謂姓名未出而內外已知其非天下第一流矣由此觀之天下第一流人廼能論天下第一等事也

他書言司馬光卒無後時人以公盛德諱言之今按宋史本傳公一子康邵伯溫傳康季子植幼宣仁后憫之呂大防曰康素謂伯溫可託請以伯溫爲京教授教之伯溫旣至則誨植曰溫公之孫大諫之子賢愚在天下可畏也植力學不懈卒有立則

國

公後幸有一孤孫。且見成立矣。范冲傳冲性好義。樂善。司馬光家屬皆依冲所撫育之。請以光之族曾孫宗召主光祠。以公族曾孫宗召主公祠。豈公死。康亡幾亦死。子植又死。無後。兄旦之孫魯又亡。可繼嗣者。故特取公之族曾孫奉公祠耶。忠義傳司馬夢求者。光之後嗣。母程節婦也。舉進士。調江陵沙市監鎮。元兵至。夢求朝服望闕再拜。自經死。蓋又公族曾孫宗之自出耳。洪容齋則又謂溫公無子。以族人之子康爲嗣。其賢如公。康之子植復

穎昌
先後
兩觀
此盛
事

賢如康植蚤亡而公之世遂絕

鄒浩爲穎昌教授范純仁爲守屬撰樂語浩辭純仁
曰翰林學士亦爲之浩曰翰林學士則可祭酒司
業則不可當時志完爲教授擬於祭酒司業故見
濶略於翰林學士予按本朝成化初嘗以上元
燈火詩讚令翰林諸臣擬進時章懋黃仲昭爲編
修莊昺爲檢討曰翰林之官以論思代言爲職雖
曰供奉文字然鄙俚不經之辭豈宜進於君上因
上疏諫被謫然則雖翰林學士亦不當爲也志完

石佛
自是
不復
有光

嘗見宋祁蘇軾諸公。往往撰進教坊致語。以爲翰林院學士爲之。而實非也。又按吳氏能改齊漫錄云。陳瑩中初任潁川教授。時韓持國爲守。開宴用樂語。左右以舊例必教授爲之。公因命陳。陳曰。朝廷師儒之官。不當撰俳優之文。持國喜。遂薦諸朝。何類昌先後亡幾時。兩睹此盛事。

程大中公知漢州事。中元節宴開元寺。酒方行。衆呼曰。佛光現。觀者相騰踐。不可禁。公安坐不動。頃之乃定。明道先生調鄆縣主簿。南山僧舍有石佛。歲

傳其首放光。遠近男女聚觀。晝夜雜處。前政莫能禁止。先生始至。詰其僧曰。吾聞石佛現光。有諸。曰。然。戒曰。俟復現。必先白。吾職事不能往。當取其首就觀之。自是不復有光矣。

程氏語納拜之孔不容

程氏遺書。先生語子良曰。納拜之禮。不可容易。非已所尊敬。有德義服人者。不可。余平生只拜二人。其一呂申公。其一張景觀。奉議也。昔有數人同坐。說一人短。其間有二人不說。問其故。其一曰。某曾拜他。其一曰。某曾受他拜。王拱辰君貺。初見周茂叔。

正
猶
不
欲
其

爲與茂叔世契便受拜及坐上風起說大畜卦君
貺乃起曰某適來不知受却公拜今某却當納拜
茂叔走避君貺此一事亦過人謝用休問當受拜
不當受拜曰分已定不受廼是呂涇野釋云古人
一拜如此重安肯諂佞也

呂太尉赴延安帥道出西都時程正叔居里中謂門
人曰吾聞呂吉甫未識其面明日西出必經吾門
我且覘之迨旦了無所聞詢之則過已久矣道傍
多不知正叔嘆曰夫以從者數百人馬數十行道

中能使悄然無聲馭衆如此可謂整肅矣。立朝雖多可議其材亦何可掩。余謂惠卿方由荆公之門故過程氏之里而不入其室亦亡足恠然其行道乃更閭然豈其屏騶約從不敢過爲薰灼如博陵豪族之過李公輔耶。夫以惠卿之惡而正叔猶不欲掩其材斯所謂憎而知其善者也。

淮陰義婦富商之妻李氏有姿色邑人有同商者見而悅之因道殺其夫厚爲棺殯持其喪以歸給云溺死且盡歸其財無一毫私焉。于是俟其葬而除

淮陰
義婦
北神

服謀爲婚。且自陳有義於其夫。義婦亦爲之感泣。許而嫁之一日。家有大水。水有浮漚。其夫輒顧而笑。義婦問之。未應。固問之。恃已生二子。不虞其妻之讐已也。卽以實告曰。前夫之溺我。所爲也已。溺復出。勢將自救。我以箚刺之。遂沉去。刺處浮漚之狀。正如今日所見。義婦默然始悟其計。而復讐之心生矣。卽日奔告有司。卒正其獄。夫讐旣復。又自念以色累夫。以身事讐。一子讐人之子也。義不可復生。卽縛其子投於淮。已而自投焉。故謂之義婦。

又北神烈婦有美色夫爲小商舟行上下載以自
隨至地名北神其夫病死貧無以殮同舟富商者
假貸與之衾棺之費一切皆具商自恃有恩顧其
妻以爲已物烈婦旣葬之三月復墓以歸富商迫
之勢甚急遂取其嬰兒縛至胸前母子號呼赴淮
而死惜哉亡其姓氏以其死於北神故號北神烈
婦兩婦見徐節孝集然淮陰之義何如北神之烈
也婦止此一身事其夫耳若夫死復更事人夫恩
與事夫之雙曷異尚足稱義乎魏蔣濟萬機論云

甲作乙婦。丙來殺乙。而甲不知。遂嫁丙作妻。生二子。丙乃語甲。甲因丙醉殺之。並害二子。於義剛烈得寬死否。荅云。文子潔行專一。不以鼓刀稱義。今又改嫁已絕先夫之恩。親害胞胎。又無慈母之道。按將廼虛設此論。以擬事變。而淮陰婦事。乃暗與之合。或世亦傳會爲之。而節孝偶有取焉。然蔣之論確矣。

徐節孝呂東萊兩公議論古人一事。其見偶合。茲爲拈出。節孝云。與人不苟合。可知其所守之正。楊綰

徐勣 孝已 東萊 兩公 議論 古人 一事

金鑑子中篇

卷之三十一

十三

以清儉在位。天下之士多敝衣爲儉。以求合於綰。惟武元衡素好鮮美。不改所爲。至其議論。則未嘗苟從。蓋惡衣食未足以爲賢。惟不苟合。乃可以見其人。東萊亦云。毛孝先崔季珪等用事。貴清素之士。于時皆易車服以求高名。而徐邈不改其常。大凡人多爲世態習俗所驅。有爲善所驅者。有爲惡所驅者。不爲惡所驅。猶可用力。至於不爲善所驅。方始見胸中有所立。按此兩論最精微。儒者制行以已。合濟流俗。雖忠信廉潔。而不免爲鄉愿。奚取

哉。武元衡當作儒衡。元衡弟楊綰當作鄭餘慶等。
見舊唐書

崇寧四年。鮑耀卿言州縣學考試。未教文字。精弱先
問時忌有無。苟語涉時忌。雖甚工。不取。如曰休兵
以息民。節用以豐財。罷不急之役。清入仕之流。諸
如此語。今悉紉之。宜禁止。詔可。按此數語。皆爛熟
時套。豎儒頤頤中常談。猶切用爲時忌。不知當年
士子所答策云何。其試而列上第者何也。五年臣
僚又言比者試文。有以聖經之言。輒爲時忌而避

市北珠事
具宋史不
甚顯而
係甚大

之者如曰大哉堯之爲君以爲哉與災同制治于
未亂安不忘危吉凶悔吝生乎動則以爲危亂凶
悔皆當避不諱之朝豈宜有此吁至是又禁及聖
經諱及嫌字矣

梁適傳適孫子美崇寧間任河北都轉運傾漕計奉
上至捐緡錢三百萬市北珠以進北珠出女真子
美市於契丹契丹嗜其利虐女真捕海東靑以求
珠兩國之禍蓋基於此子美用是致位通顯按子
美當時亦畧一已通顯豈虞禍兩國哉然遼亡而

龜山此言平日得力處在此失足處亦在此

宋因之則其禍又不止兩國矣。事具宋史。不其痛而所關繫甚大。故著之。

楊龜山嘗言。主角多。刺人眼目。亦易玷缺。故君子處世。當渾然天成。則人不厭棄矣。龜山此言。是其平生得力處。在此。它日失足處。亦在此。唯顏子渾然天成。孟子已露主角。然人亦安能遽做顏子。若合下便學它渾然天成。則模稜糊塗矣。一鄉皆稱善人焉。無所往而不為善人。豈復有人厭棄者。然君子不貴也。一家非之。一國非之。天下非之。吾人所

石工
愚翁
重

執者道義所信者心奚卹

蔡京撰姦黨碑。詔州縣立石。長安石工安民當鐫字。辭曰。民愚人。固不知立碑之意。但如司馬相公者。海內稱其正直。今謂之奸邪。民不忍刻也。官府怒。欲加之罪。民泣曰。被役不敢辭。乞免鐫安民二字。於石末。彼工知世間有司馬相公如此。紹興初。有旨令毀公隧碑。孫舍人君孚云。方毀折之際。大風走石。群吏莫敢近。獨有一匠氏。揮斤而擊。未盡碎。殪於碑下。兩工愚智千里也。

族叔
李太

李太
伯進
孟子
於孔

蔡疑者開封人。以諸生試第。揣蔡京且復用。遂倡言
紹述擢第一。蔡疑就一意附京。叙族屬尊京爲叔
父。它日京命攸修等出見。疑亟云。向者大誤。公乃
叔祖。比諸父行也。遽列拜之。京之得以族孫視佃
者。蔡襄死。京無求于佃故也。疑且不敢以族父事
京者。不欲輩行京之諸子。疑方有求於京故也。
太伯上孫寺丞書云。雞鳴而起。誦孔子孟軻群聖人
之言。纂成文章。以康國濟民爲意。進孟於孔子。且
曰。群聖人尊之至矣。集中時引用七篇特多。謂李

不喜孟至於不讀妄也

世遂傳泰伯因不讀孟子

義疏不試四科優劣論宋人葉紹翁力辨之以爲

無足事此年泰伯實不與試

呂社
此論
獨公

宋紹興間張忠獻公爲相不主伊洛之學一時諫官

陳公輔輩遂倡言伊川之學惑亂天下請加禁絕

而尚書呂社獨申奏謂程頤之學專宗中庸以爲

入德之要中庸曰君子而時中頤之所得也近世

小人慕之遂變巾易服互相汲引所謂小人之無

忌憚者非學之繆乃學者之罪也此論特公社忠

汪藻
無學
議樣
行

獻客也

汪藻代張邦昌勸進表云。天下屯危。方苦存亡之未
定。而古人事業。惟觀濟否之何如。使生靈相顧。以
無歸。雖溝瀆自經。而奚益。輒慕周勃安劉之計。庶
伸程嬰存趙之忠。又爲雪罪表云。孔子從佛肸之
召。本爲尊周。紀信棄漢王之車。蓋將誑楚。其掩飾
巧矣。及邦昌安置。當草制。乃云方宗社有非常之
變。乃人臣思自盡之時。而不能抗虎狼強暴之威。
徒欲爲鼠雀偷生之計。何一事而先後是非迥絕。

耶。又嘗投李伯紀啓云。孤忠貫日。正二儀傾側之
中。稟氣。秋。搏萬騎笑談之頃。又云。士訟公冤。咸
舉旛而集闕下。帝從民望。令免胄以見國人。其贊
美至矣。及伯紀遷謫。汪爲行詞。乃曰。朋姦罔上有
虞。必去於驩。兜欺世盜名。孔子先誅於正郊。何一
人而先後邪。正類殊耶。故由邦昌失於先之過。誤
由伯紀失於後之妄毀。蓋藻胸中本不知有張邦
昌。李伯紀徒隨其人之升沉用舍。以爲是非。邪正
文人無學識。操行乃爾。

汪藻進修日曆狀。謂漢法太史公位在丞相上。天下計書先上太史公。副上丞相。自唐及本朝亦皆以宰相監總國史。按藻此疏。緣衛宏注漢官儀之誤。宏云武帝時。今按漢書百官公卿表。丞相與太尉御史大夫位三公。而丞相特重。蓋向上無官矣。奉常官屬。乃有太史與太樂太祝太宰太卜太醫。爲六令丞。故司馬遷云。嘗陪下大夫之列。又曰文史星曆。近乎卜祝之間。固主上所戲弄。倡優畜之。流俗之所輕也。安得武帝時尊重是官。若宏所言乎。

太史公遷自爲以尊其父其官固太史令耳郡國
上計則不妨先上太史重國史也宰相監修史人
主觀史自是後世史職一阨藻何得傳會漢事從
史本朝誤矣誤矣

汪藻高宗朝上疏歷詆中興諸將謂劉光世韓世忠
張俊王瓌數人者敵人之來曾不能爲朝廷施鏃
矢之勞寵極至驕平時飛揚跋扈不循法度所至
焚掠驅虜甚於夷狄在古法皆當誅及詣行在赴
州又條具時政極論御諸將之言曰示之以法曰

運之以權。曰別之以分。至以履霜堅氷言之。而又
論岳飛軍中。多四方遊手。竄名借補官資。支行祿
廩。可謂深憂極論矣。或曰藻檄黨。故力抑諸將以
崇其權。然其詞嚴而誼正。弗可奪也。一時諸將聞
之。當有膽落於溫御史矣。天門九重。虎豹守之。然
後百獸辟易。而不敢嗥動。予謂當主憂國疑權在
閫外。朝廷之上。此等議論。自不可少。史稱浮溪嘗
客秦蔡。竟以是敗。

曲壯閔爲涇原都統制。有叔爲偏將。戰敗誅之。旣乃

殺叔

發喪祭之以文曰。烏乎斬副將者。涇原都統制也。祭叔者。姪曲端也。尚享。一軍畏服。此事與晉苟道將殺其從弟同。而皆失在於用。不在於殺。夫用之而不効。殺之賊恩。勿殺則廢法。故君子以爲不如勿用之愈也。唐竇軌入蜀。將其甥以爲心腹。嘗夜出呼之。不以時至。斬之。劉昌守寧陵。昌始令守陴。內顧者斬。昌孤甥張俊守西北。未嘗內顧。猝下斬之。君子之殺人。也非得已。故法行而人信服。夫非法而殺其親。於人何有。人亦於爾何有。李勣將兵。

宋殺
岳飛
金人
酌酒
慶賀

擊高麗。勦欲與其壻京兆杜懷恭偕行。以求
懷恭辭以貧。勦贍之。復辭以無奴馬。皆具。懷恭乃
走。亡匿岐陽山中。謂人曰。公欲以我立法耳。勦聞
之。流涕曰。杜郎疎放。此或有之。廼止。亡賴賊性不
可仕。伊壻嘗之耶。然迄幸免。爲兩甥者。壻蚤見之
力矣。

秦白起賜死。諸侯酌酒相賀。

漢書高麗參傳

楚殺子反。

晉文公聞之。爲之側席而坐。曰。莫余毒也已。宋殺
檀道濟。魏人聞之。喜曰。道濟死。吳子輩不足復憚。

齊殺斛律光。周武帝爲赦其境內。唐武則天殺程
務挺。突厥爲所在宴樂相慶。仍爲立祠。每出師攻
戰。卽致禱焉。宋殺岳飛。金人酌酒相賀。嗟夫。毀于
城以業敵國。內爲本朝墮黨。外爲賊復讐。策有繆
於此者乎。

秦檜
釋權
逞私
錐小
必用

秦檜無子。取妻兄王煥孽子。燬養之。南省擢爲第一。
檜以爲嫌。進士陳誠之策。專主和議。乃以爲首。燬
次之。陸游鎖廳薦送第一。秦檜孫塤適居其次。檜
怒至罪王司。明年試禮部。王司復置游前列。檜顯

黜之。張孝祥方弱冠。高宗試進士策。問師友淵源。秦埴曹冠力攻程氏專門之學。考官定埴爲首。孝祥次之。高宗讀埴策。皆秦檜語。於是擢孝祥第一。埴次之。檜大怒。旣知孝祥乃祁之子。祁與胡寅厚。於是風言者誣祁有反謀。繫詔獄。檜死得釋。一第先後偶然耳。檜乃必欲天下士無出已孫右者。旣黜陸游。復爲棄怨於主司。若孝祥事。又極力與天子角勝。死而後已。推斯心也。豈復知身與子孫外。有國事可念。人才當惜耶。檜事此特疥癬耳。書

秦檜
死怪
中國
無後
有知
論者

之亦見檜平生舞權逞私雖小必用也

宋吳曦謀叛潛以蜀獻于金金章宗賜曦詔云卿自

視翼贊之功孰與岳飛飛威名戰功暴于南北一

旦見忌遂被殺之誅云飛見殺於宋宋奸相

媚金也金一時大酋固已酌酒相賀至是數世之

後猶以之實口招徠中國之叛將使盡以飛爲戒

方秦檜殺飛檜黨羅織飛以爲不容殺也乃顧敵

人之情何如哉金貞元二年宋賀正旦使施臣朝

辭海陵使左宣徽使敬嗣暉問曰秦檜作何官

萬俟

高首

希檜

殺

今幾何。對曰。檜爲尚書左僕射。中書門下平章事。
年六十。復謂之曰。我聞秦檜賢。故問之。正隆三年。
正日。未賀。正旦。使孫道夫。陞辭海陵。復使敬嗣暉。
諭之曰。秦檜死果否。對曰。檜實死矣。又曰。汝國比。
來行事。殊不似秦檜時何也。檜生而問其年。惟恐。
其老衰。死又問其位。惟恐其不用。死而怪中國無。
復有如秦檜者。

秦檜死。高宗內禪。孝宗立。孝宗將反檜所爲。視諸與。
檜善。皆褫。或謫。或竄。或編管。編置紛紛焉。萬俟卨。

憾岳飛首希檜旨殺飛得爲言官遂盡掎檜所忌
使檜逞所包藏於天下者尚一人也晚登政府位
已彌望高宗耄矣檜嘗異議於掄儲之日意資善
之且有以擬其後故稍稍爲一二異同以離其跡
檜果弗能容罷去嗣天子立一新庶政遂首緣此
牽復登三事榮備於懸車之時美溢於蓋棺之後
嗟夫何小人之多幸與

函關止有一穰侯瀛館寧無再帝丘天極八重心未
死台星三點圻方休只看壁後新亭策恐作移中

屬國羞。今日牛羊上丘隴。不知丞相更嗔不。此楊
 誠齋宿牧亭秦太師墳庵作也。人生有死。伊斯旦
 莽同歸一抔。牛羊何知。正復奚擇。以檜平生薰灼。
 一朝至此。爲足感人耶。檜墓在建康近錢塘。姜正
 郎云。墓上豐碑屹立不鐫一字。蓋當士大夫鄙其
 爲人。燕畏物議。莫敢作神道碑。及孟珙滅金回屯
 軍於檜墓所。令軍士糞溺墓上。人謂之穢冢。吁。是
 與王蠋在齊。燕兵不敢樵採何遠也。恨其罪浮王
 敦。猶逋剖棺之慘。奸侔林甫。終逝跼尸之誅。然萬

年遺臭穢及丘塚亦可悲矣

先此
國有
訟朱
子於
德王
議論
間者

楊用修丹鉛錄一段譏彈朱子謂於荆公則未減其
已著之罪於東坡則考索其未形之班且傷朱子
之無忠臣予頃見黃氏日抄嘗回制參黃通判書
云。垂諭考亭於介甫。愛而不知其惡。於東坡憎而
不知其善。跡誠有之。然特激於汪玉山。一時徃復
之書然耳。考亭平日亦未嘗不罵介甫。未嘗不敬
東坡。雖論語集註亦取東坡之說。又不特嘆服其
文章而已。玉山極口稱譽東坡。考亭方辨之。玉山

再護東坡。則考亭遂一向便發東坡短處。遂有等
可是介甫之說。考亭有性氣。此一時有激之言。非
平日議論之正也。則先此固有以訟朱子於蘇王
議論間者。通判名大有。亦蜀人。然黃氏之荅之。其
論極公。

世言
廖德明爲廣東刑獄提舉。有鄉人爲王簿。德明聞其
能。薦之。會德明行縣簿感其知己。置酒延之。悉假
富人觴且甚盛。德明怒曰。一主簿若是侈耶。必貪
也。於是追還薦章。仇念知明州。嘗欲薦一幕官。問

金匱要略卷之二十一
二十四
曰君日費幾何。對以十口之家。日用二千。念驚曰。吾爲郡守。費不及此。屬僚所費倍之。安得不貪。遂止。世言惟儉養廉。一公之觀人有以也。

金匱要略中篇卷之三十一終

金鼐子中篇卷之三十二

明上虞陳

絳用揚南著

會稽陶望齡周望甫同

同邑車任遠遠之甫校

男陳 昱輯

金之種類
出生
女直

盧瓊東戍見聞錄謂海西山寨之夷曰熟女直男務
耕耘婦女以金珠爲飾依山作寨爲金完顏氏之
遺其居黑龍江者曰生女直按金史世紀兩女直
同出于黑水靺鞨居肅慎氏之地爲勿吉七部之

一後役屬于渤海。契丹盡取渤海。而黑水靺鞨附屬于契丹。其在南者。籍契丹。號熟女直。其在北者。不在契丹籍。號生女直。因此分兩女直。而生女直有混同江。長白山。混同江亦曰黑龍江。所謂黑水白山是也。金始祖起于此。則金之種族出生女直。若熟女直。隸籍契丹。爲契丹熟戶久矣。

金史世紀太祖收國元年正月卽位。乃曰遼以賓鐵爲號。取其堅也。賓鐵雖堅。終亦變壞。惟金不變。不壞。金之色白。完顏部色尚白。於是國號大金。而地

金國
建號
取西
義

里志又云。金襲遼制。建五京爲十九路。上京路卽海右之地。金舊土也。國言金曰按出虎。以按出虎水源於此。故名金源。建國之號。蓋取諸此。是金國建號原取此兩義。

以漁
田夫

金路伯達嘗使宋回。獻所得金二百五十兩。銀一千兩。以助邊表乞致仕。未及上而卒。其妻傅氏言之。上嘉其誠。贈大中大夫。仍還其所獻。傅泣請弗許。以伯達嘗修冀州學。乃市信都棗強田以贍學。元伯都卒。朝廷知其貧。賻鈔二萬五千貫。御史臺奏。

楮承亮不
愧管寧
時

賻三萬五千貫。仍還所辭祿。妻弘吉刺氏弗受。曰。始伯都仕于朝。不敢虛受廩祿。今歿矣。受之非其意也。卒辭之。胡婦人乃能以廉相其夫。死而不渝其志。可謂賢也已。

楮承亮宣和末進士。調易州法曹。未及赴。而金兵南下。幹離不破真定。拘籍境內進士就試。承亮匿不出。軍中嚴令押赴。與諸生對策。策問數。徽欽之罪。承亮徑詣主文劉長揖而出。主文多其誼。薦知臺城縣。漫應之。卽棄去。金史傳之。隱逸誠不愧焉。

之管寧。宋書之陶潛矣。

高汝礪
知體

高汝礪爲左司郎中。一日奏事紫宸殿時。侍臣皆迴避。上所御涼扇忽墮素下。汝礪以非職不敢取。以進奏事畢。上謂宰臣曰。高汝礪不進扇。可謂知體矣。予謂昔文王視朝。鞶絰解。顧左右無可爲結係者。斯王臣並賢聖一時也。汝礪不進扇。宣宗亦遂以此得之。君臣之間亦庶幾哉。

江漢先生
稱爲

江漢先生趙復。德安人。德安陷。姚樞奉詔。卽軍中求士。而樞就脫復。得籍中。欲携之北。復輒乘間投水。

爲樞所得。因強以歸燕。時世祖在潛邸。嘗召見問曰。我欲取宋卿可導之乎。對曰。宋吾父母國也。未有引他人以伐吾父母者。世祖悅。因不強之仕。復亦終不仕也。惟以程朱所發明諸書。口傳手錄。由是姚樞許衡郝經劉因皆得其書而尊信之。北方始知有程朱之學。復爲人樂易而耿介。雖居燕不忘故土。以家江漢之上。以江漢自號。學者稱之曰江漢先生。先生以道淑人。而不立其朝。豈所謂傳道則可。仕則不可者耶。

劉靜修言
置之不

劉靜修退齋記云。挾老氏之術以往。則莫不以一身之利害。而節量天下之休戚。其終必至於誤國而害民。然而特立於萬物之表。而不受其責焉。而彼方以孔孟之時義。程朱之名理。自居而不疑。而人亦莫之奪也。當是時。以孔孟程朱自居者。無幾人。其旨必有攸寄。及又爲劉仲祥著蠡齋說云。近世士大夫多。以頑鈍椎魯。人所不足之稱。以自號。彼其人未必真有是也。亦非故爲是謙托而然也。或爲老氏之說。以爲天下古今。必如是而後。可以無

營而近道葆齋而自全也則擇而取之而其意則將以自利而已然則靜修惇惇而言之不置其殆爲許魯齋與

二公
於後
世公
論何
如

元吳定翁字仲谷臨川人也清修文雅與孫轍齊名而最善爲詩辟薦相望終不起程鉅夫遺之書曰臨川士友及門者踵相接也何相望足下耿耿如玉人而不可得見乎予謂定翁之不仕元其趣尚高矣視彼鉅夫正蘇子卿之罵衛律所謂不忠不孝爲降虜於蠻夷何以汝爲見者乃欲使之踵及

不巳愚乎。擢草廬先生與仲谷同里閭。又同姓。同時而出處異。草廬以道學名。仲谷乃止以詩名。顯然二公於後世公論何如哉。定翁嘗曰。士無求用於世。惟求無愧於世。蓋先生之不求用於世。乃所以求不愧於世也。與。

元后
如崇

李庭芝護宋幼主赴燕。世祖大宴。命庭芝坐諸王之下。百官之上。曰。劉整在時。不曾令坐此。蓋整先降元位。中書右丞。至是已死。廉希憲爲平章政事。整初附時。爲都元帥。詣門求見。因令撤去坐椅。自據。

中坐。令人整拜起。側立。不與一言。整退。愧赧無人色。頃之。宋士之在羈旅者。冠衣襤褸。袖詩求見廉。急令鋪設坐椅。且戒內備酒饌。肅入對坐。出酒饌。執禮甚恭。又錄其居止。諸士但言乞歸。明日遂言於上。得遂其請。是夜廉諸昆弟問曰。劉元帥主上所倚任。而反薄之。江南窮秀才。乃却禮遇如此。廉曰。我國家大臣。言動頗笑。係天下重輕。整雖貴。賣國叛臣也。故折辱焉。若寒士數十。皆誦法孔子。在宋朝不坐燕。不與何故而拘執於此。况今朝家起。

葉李
夢
炎優
劣

朔漠斯文不絕如綫。我更不尊禮。此輩則儒術且
掃地矣。按世祖薄劉整。猶富貴之。其待之厯不若
李庭芝。庭芝宋忠臣也。固宜。徒逢掖諸生。爾而廉公之
禮。乃復出於元帥之上。元君臣崇尚如此。

世祖嘗問趙孟頫。以葉李留夢炎優劣。孟頫對夢炎
臣父執。有大臣器。帝曰。汝以夢炎賢於李耶。夢炎
宋狀元宰相。當賈似道誤國。夢炎依阿取容。李布
衣。乃伏闕上書。是賢於夢炎也。汝以夢炎父友。不
敢斥言其非。可賦詩譏之。孟頫賦詩有往事已非。

那丁說。且將忠直報皇元之語。帝歎賞焉。孟頫退。謂奉御徹里曰。帝論賈似道誤國。責留夢炎不言。桀哥罪甚於似道。而我等不言。他日何以辭其責。然我疏遠之臣。言必不聽。侍臣中讀書知義理。慷慨有大節。又爲上所親信。無踰公者。夫捐一旦之命。爲萬姓除殘賊仁者之事也。公必勉之。旣而徹里至帝前。數桀哥罪惡。帝怒。命衛士批其頰。血涌口鼻。委頓地上。少間復呼而問之。對如初。時大臣亦有繼言者。帝遂誅桀哥。罷尚書省。按李與夢炎

皆宋人同事世祖其禮接委任同而賢佞優劣之判。剴然不爽於上心者如此可謂明也已矣然葉哥李所薦帝知惡賈似道而不自知有葉哥知嘉葉李之斥似道而不怪葉李之薦葉哥此又睫之在於目也孟頫能因帝之惡似道推之於葉哥度未可言又愚徹里使言與汲長孺之言張湯於大行李息類然李息不言而徹里竟言之可謂忠已世祖寄任葉哥如手足及一言而悟棄之如塊然抑勇已哉

希憲
君臣
問昌
言正
五

金鑑卷之二十一

卷之二十一

七

至元七年詔釋京師係囚西域人匿贊馬丁用事先
朝資累鉅萬爲怨家所告繫大都獄旣釋之矣時
廉希憲爲中書平章政事在告實不預其事是秋
車駕還自上都怨家訴於帝希憲取堂判補署之
曰天威莫測豈可幸其獨不署以苟免耶希憲入
見以詔書爲言帝曰詔釋囚耳豈有詔釋匿贊馬
丁耶對曰不釋匿贊馬丁臣等亦未聞有此詔帝
怒曰爾等號稱讀書臨事乃爾宜得何罪對曰臣
等忝爲宰相有罪當罷退帝曰但從汝言卽與左

丞相耶律鑄同罷。一日帝問

侍臣希憲居客位爲侍臣以讀書對帝曰

讀書固朕所教。然讀之而不肯用。多讀何爲。意責其罷政而不復求進也。阿合馬因讒之曰。希憲日與妻子燕樂爾。帝變色曰。希憲清貧。何從宴設。按希憲君臣間如此。宜其昌辭正色也。或曰其補署堂判一事何如。諸宰臣相與釋匿贊馬丁當否。曰此亦有說。分過可也。分罪不可也。又奕赫抵雅爾丁回回人。遷中書右司郎中。刑部嘗有獄事上讞。旣論決已而丞相知其失。以譴右司主者。奕赫抵

雅爾丁初未嘗署其案。因取成案閱之。竊署其名於下。或訝之。如茲獄之失。公實不與。丞相方譴怒而公反追署其案。何也。奕赫抵雅爾丁曰。吾偶不署此案耳。豈有與諸君同事而獨幸免哉。丞相聞而賢之。同列因以獲免。事正與善甫類。

世傑不應
公範

張世傑。范陽人。金貞祐間。河北盜起。與豪張柔聚族。黨結隊伍自保。金以柔爲中都留守。行元帥事。世傑見金事日非。元益強。勸柔歸正。柔怒斥之。世傑遂來歸。積功至副樞。封越國公。元大將張弘範來。

山金
士領
神言
不

柔子也。柔既降元元，還其舊職，恒愧世傑。弘範以世傑故，父部曲嘗至港外呼世傑，與語舊世傑不往。甥韓在弘範軍中，使三至招之，迄不答。世遂傳世傑與弘範兄弟實非兄弟也。弘範北元帥世傑南將軍，兩人本兄弟，奉主各致身，篁墩之詩特失攷矣。

元人歐陽玄選振光歸祖庭詩，小叙云：歐陽公晚乞守洪，累表不得請，於是歸江右之志遂不果。南渡以來，宋人多議公此事。洪景廬楊廷秀之賢，亦未

免有此意甚者謂公子孫居穎爲金人所戕遂絕
是大不然近年奉詔修三史一日於翰林故府中
攜金人遺書得元遺山裕之手寫壬辰襍編一秩
申言安平都尉完顏斜烈嘗鎮商州偶搜伏於竹
林中得歐公子孫甚多以歐公之故并其族屬鄉
里三千餘人悉縱遣之則知未嘗殲于金兵也元
遺山金士領袖於歐公極知向慕其言定不誣云
元阿合馬專政內通貨財外示威刑廷中相視無敢
論列有宿衛士秦長卿者慨然上書發其姦竟爲

阿合馬所殺。十九年三月。世祖在上都。皇太子從
有益都千戶王著者。素志疾惡。因人心憤怨。密鑄
大銅鎚。誓擊阿合馬。會妖僧高和尚以事邀詐死。
人無知者。著乃與合謀。以戊寅日。詐稱皇太子還
都作佛事。結八十餘人。夜入京城。旦遣二僧詣中
書省。令市齋物。及午。著又遣催總管矯傳令。旨發
兵。以是夜會東宮前。僞太子者。以二鼓入建德門。
至東宮前。其徒皆下馬。獨僞太子立馬指揮。呼省
官至前。責阿合馬數語。著卽牽去。以所袖銅鎚碎

其腦立斃。繼呼左丞赦禎至殺之。阿合馬黨也。尚書張九思發其詐。留守司達魯花赤傳敦遂持挺前。擊立馬者墜地。弓矢亂發。衆奔潰。多就擒。著挺身請囚。事聞。世祖命樞密副使蒙羅等馳驛至大都。討爲亂者。壬午。誅王著。高和尚于市。皆醢之。著臨刑大呼曰。王著爲天下除害。今死矣。異日必有爲我書其事者。阿合馬死。世祖猶未深知其姦。詢蒙羅乃盡得其罪惡。始大怒曰。王著殺之誠是也。乃命發墓剖棺。俾尸于通玄門外。縱犬啗其肉。按

著素無怒于阿合馬。爲天下除殘耳。昔商容嘗執羽籥。憑於馬徒。欲以伐紂而不能。遂去伏於太行。高漸離欲以筑擊秦始皇。而不中。見殺。張良博浪之鎚。乃又誤中於副車。伍孚衷小鎧於朝服。挾佩刀刺董卓。而爲卓所殺。施全亦見殺於秦檜。如著雖見殺而阿合馬已塗腦于著之手。著可無五子之憾也已。

元烏古孫良楨任漳州路推官。上言律徒者不杖。今杖而又徒。非恤刑意。宜加徒減杖。遂著爲令。蓋至

治間事也。豈前此杖與徒並施之耶。按金史梁肅
爲濟南尹。上疏言。刑罰世輕世重。自漢文除肉刑。
罪至徒者。帶鐐居役。歲滿釋之。家無兼丁者。加杖
准徒。今取遼季之法。徒一年者。杖一百。是一罪二
刑也。刑罰之重。於斯爲甚。今太平日久。當用中典。
自今徒罪人。止拘作。更不決杖。不報。則造端實遼。
而遂沿襲於金元。夷狄之虐用中國如此。

高源僉江南浙江道提刑按察司事。劾常州路達魯
花赤馬恕奪民田。及他不法事。恕懼忤賂權臣阿

合馬以他事誣源。既係獄。一日忽釋之。莫知所由。先是源所居隣里多阿合馬姻戚。素知源事母至孝。至是聞源坐非辜。悉詣阿合馬曰。源孝子也。非但我知之。天必知之。况媒孽之罪非實。若妄殺源。悖天不祥。阿合馬感悟。得不死。事與本朝王振以襲僕之言。釋薛夫子類。

金瓶梅中篇卷之三十一終